

Sermip erngullu niuernikkut iluaqutigineqarnissaat pillugu Inatsisartut inatsisaat

Kapitali 1

Atuuffissai

§ 1. Inatsisartut inatsisaanni sermimik imermillu atuinermut niuernikkut iluaquteqarnissaq, tassungalu atatillugu misissuinerit taakkuninngalu Kalaallit Nunaanni avammullu tuniniaanerit malittarisassiorneqarput.

Imm. 2. Inatsisartut inatsisaat Kalaallit Nunaanni nunami imaanilu oqartussaaffimmi atuuppoq

Imm. 3. Inatsisartut inatsisaat, Kalaallit Nunaanni tamat atuinerannut pilersuinissaq siunertaralugu sermimik imermillu atuinermut imaluunniit imermik nukissiuuteqarnissamut sermimit imermillu isumalluutinik atuinermut kiisalu tamatumunnga atatillugu misissuinernut, atuutinngilaq.

§ 2. Inatsisartut inatsisaat naapertorlugu akuersisummik aatsaat tunniussisoqarsimappat aammalu inatsisartut inatsisaat naapertorlugu aalajangersakkat akuersissuteqarnermilu piumasaqaatit taamaallaat naapertorlugit sermimik imermillu niuernikkut iluaquteqarneq tassungalu atatillugu misissuinerit pisinnaapput.

Imm. 2. Namminersorlutik Oqartussat imermut sermersuaqarfinnullu tunngasunik nalinginnaanerusunik aammalu nalunaarsuiffusunik ilisimatuussutsikkut suliassatigullu misissuisinnaapput. Misissuinerit taamaattut naalagaaffimmit imaluunniit nunani allani oqartussanit sullissivinnillu allanit taamaallaat akuersissut Inatsisartut inatsisaat malillugu Naalakkersuisut tunniunneqarsimasoq malillugu ingerlanneqarsinnaapput.

Imm. 3. Kalaallit Nunaannit sermimik imermillu avammut nioqquteqarneq taamaallaat Naalakkersuisunit akuersisummik tunineqareernerup kingorna pisinnaavoq.

Kapitali 2

Misissueqqaarnerit

§ 3. Naalakkersuisut sumiiffimmut erseqqinnerusumik killissalersorneqartumut aammalu atugassarititaasut erseqqinnerusumik aalajangersarneqartut tunngavigalugit sermimik imermillu niuernikkut iluaquteqarnissamut periarfissat pillugit misissueqqaarnermilik suliaqarnissamut kisermaassiviunngitsumik akuersissuteqarsinnaapput.

Imm. 2. Akuersissut ukiut pingasut tikillugit atuuttussanngorlugu tunniunneqarsinnaavoq.

Kapitali 3

Atuineq

Atuinissamut akuersissut

§ 4. Naalakkersuisut sumiiffimmut erseqqinnerusumik killissalersorneqartumut aammalu atugassarititaasut erseqqinnerusumik aalajangersarneqartut tunngavigalugit, sermimik imermillu niuernikkut iluaquteqarnissamut akuersisummik tunniussisinnaapput.

Imm. 2. Imm. 1 naapertorlugu atuinissamut akuersisummi sermimik imermillu atuinissamut akuersissut naapertorlugu atorneqartumik annerpaaffiliisinnaapput (atorneqartup annertussusia), taamaattorli takukkit §§ 6-7.

Imm. 3. Atuinissamut akuersissut immikkut sermimut aamma imermut tunniunneqarsinnaavoq.

Imm. 4. Akuersissut malillugu atuineq piffissamut killiliussap akuersisummi aalajangersagaasup iluani aallartinneqarsimanngippat atuinissamut akuersissut atorunnaassaaq.

Imm. 5. Piffissamut killiliussaq akuersisummik tunniussinerup kingorna ukiunit 5-init kingusinnerusinnaanngilaq, taamaattoq takuuk § 16.

Imm. 6. Inatsisartut inatsisaata matuma atuutsinnera sioqqullugu sermimik imermillu atuinissamut iluaquteqarniarluni aamma Kalaallit Nunaanni nioqquuteqarniarluni suliffeqarfhit suliaqartuusut tamakku pillugit qinnuteqarteqqaarnagit Naalakkersuisunit akuersissuteqarfingineqartillugit nalunaarfingineqassapput.

Kisermaassisussaatitaalluni imaluunniit kisermaassisussaatitaanani atuinissamut akuersissut

§ 5. § 4 malillugu nunami sumiiffimmut imaluunniit imaani sumiiffimmut atuinissamut akuersissut kisermaassisussaatitaaffilimmik imaluunniit kisermaassisussaatitaaffeqanngitsumik tunniunneqarsinnaavoq.

Imm. 2. § 4 malillugu atuinissamut akuersissut kisermaassisussaatitaaffilimmik tunniunneqarsinnaavoq:

- 1) Sumiiffimmut aalajangersimasumut, taamaattoq takukkit imm. 3 aamma § 9, imm. 4.
- 2) Sermimut isumalluummut imaluunniit imermut isumalluummut aalajangersimasumut, taamaattoq takukkit imm. 3 aamma § 9, imm. 4.
- 3) Sumiiffimmit aalajangersimasumit imaluunniit sermimit isumalluummit imaluunniit imermut isumalluummit aalajangersimasumit atuinerup annertussusaanut aalajangersimasumut, taamaattoq takukkit imm. 3 aamma § 9, imm. 5.

Imm. 3. Pisinnatitsisummik pigisaqartoq § 4 malillugu atuinissamut akuersissutip, kisermaassisussaatitaanani atuinissamut akuersissummit kisermaassisussaatitaalluni atuinissamut akuersissummut imaluunniit killormut, allangortinneqarnissaa pillugu Naalakkersuisunut qinnuteqarsinnaavoq. Taamaattoqarpat pisinnatitaaffit kalluarneqartut allat eqqarsaatigalugit, tamanna pillugu Naalakkersuisut aalajangissapput.

Imm. 4. Imm. 3 malillugu atuinissamut akuersissutip allangortinneqarnerani, atuinissamut akuersissummut tapiliussami akuerineqassaaq.

Atorneqartut annertussusaasa allanguuteqarnerat

§ 6. Pisinnaatitsisummik pigisaqartoq, atuinissamut akuersissut, takuuk § 4, imm. 2, malillugu atuinerup annertussusaata allangortinneqarnissa pillugu Naalakkersuisunut qinnuteqarsinnaavoq.

Imm. 2. Atuinissamut akuersissummi atuinerup annertussusaata allangortinnissa pillugu aalajangiineq, pissutsit makkua tunngavigalugit aalajangiiffigineqassaaq:

1) Sermip aamma erngup annertussusai ukiumi ataatsimi pingaartumillu ukiumi kingullermi piffissami akuersissuteqarfiusumi atorneqartut, aamma pisinnaatitsisummik pigisaqartup tamatumunnga nalunaarusiaa, takuuk § 22, imm. 2.

2) Sermip aamma erngup annertussusai, pisinnaatitsisummik pigisaqartup piffissap akuersissuteqarfiusup sinnerani atugassaatut ilimagineqartut, aamma pisinnaatitsisummik pigisaqartup tamatumunnga atuinissamut pilersaarutaa akuerisaasoq.

Imm. 3. Atuinerup annertussusaani allangortitsineq atuinissamut akuersissummut tapiliussami aalajangersarneqassaaq.

Pisortat pilersuisussaatitaanerat

§ 7. Atuisartunut najukkameersunut imermik pilersuineq, pisinnaatitsisummik pigisaqartunit Inatsisartut inatsisaat manna malillugu atuinissamut akuersissummit peqartunit sallitillugu pingaarerutinneqarpoq.

Imm. 2. Suliffeqarfut pilersuisut najukkameersut tamarmik pisariaqartitsinerat tamakkiisumik naammassineqareerpat, takuuk imm. 1, sermimik imermillu atorneqanngitsumik sinneruttoqarpat, sinneruttut allanut Inatsisartut inatsisaat manna malillugu atuinissamut akuersissummut pigisaannut naleqqiullugu pisinnaatitsisummik pigisaqartut akornanni agguarneqassapput.

Imermik sinneruttumik atuinissamut akuersissut

§ 8. Naalakkersuisut ingerlatseqatigiiffimmut, pisortat suliffeqarfiannit pilersuisumit imermik sinneruttumik pisinissaq pillugu isumaqatigiissuteqarsimasumut, imermik niuernikkut iluaquteqarnissamut akuersissummit tunniussisinnaapput.

Imm. 2. Imm. 1 malillugu atuinissamut akuersissut taamaallaat, pisinnaatitsisummik pigisaqartoq suliffeqarfimmit pilersuisumit imermik sinneruttumik pisinissaq pillugu pisortat suliffeqarfiannut pilersuisumut isumaqatigiissuteqarsimappat, aammalu atuineq isumaqatigiissut tunngavigalugu aammalu isumaqatigiissummut naapertuuttumik ingerlanneqarpat, aatsaat imermik sinneruttumik atuisinnaatitsivoq.

Imm. 3. Pisinnaatitsisummik pigisaqartup pisortat suliffeqarfiannit pilersuisumit, imm. 1-imi taaneqartutut, imermik sinneruttumik pisinissaq pillugu isumaqatigiissuteqarnera, pisortat suliffeqarfiata pilersuisup pilersuisussaatitaanera aamma tamatumunnga inatsisit malillugit pisussaaffi allat eqqarsaatigalugit, isumaqatigiissutigineqassaaq naammassineqassallunilu. Imermik pisinissamut isumaqatigiissut tamatumunnga atugassarititaasunik imaqassaaq. Imermik pisinissamut isumaqatigiissut tamatuma saniatigut imermik pilersuinissaq pillugu atugassarititaasunik imaqarsinnaavoq, ilanngullugu imermik minnerpaamik annerpaamillu aalajangersimasumik annertussusilimmik aammalu imermik aalajangersimasumik pitsaassusilimmik pilersuineq, aammalu imermik pilersuinermut akiliuteqarneq pillugit. Pisortanit suliffeqarfik pilersuisoq, ilaatigut suliffeqarfiup pilersuisup inuussutissarsiornikkut

soqutigisai aamma atugai tunngavigalugit atugassarititaasut taamaattut aamma allat tunngavigalugit imermik pisinissamut isumaqatigiissuteqarsinnaavoq tassanngalu naammassinnissinnaalluni.

Imm. 4. Imm. 1-3 malillugit allatut pisoqartussaasimanngippat, §§ 4-7-imi aalajangersakkat aamma imm. 1 malillugu atuinissamut akuersissummut atuupput.

Pisinnaatitsissummik pigisaqartoq

§ 9. §§ 4 imaluunniit 8 malillugit atuinissamut akuersissut taamaallaat aktiaatileqatigiiffimmut imaluunniit piginneqatigiiffimmut, Kalaallit Nunaanni angerlarsimaffeqartumut, taamaallaat Inatsisartut inatsisaat malillugu akuersissummi pineqartunik ingerlatanik suliaqartumut, aammalu ingerlatseqatigiiffinnik allanik akileraaruteqaqateqartangitsunut, tunniunneqarsinnaavoq, taamaattoq takuuk imm. 2.

Imm. 2. §§ 4 imaluunniit 8 malillugit atuinissamut akuersissut aktiaatileqatigiiffimmut imaluunniit piginneqatigiiffimmut, Kalaallit Nunaanni angerlarsimaffeqartumut, ingerlatanik Inatsisartut inatsisaat malillugu akuersissummi pineqartunut ilaasunik aammalu ingerlatanik allanik suliaqartumut, aammalu tamatumunnga inatsisit malillugit ingerlatseqatigiiffinnik allanik akileraaruteqaqateqarsinnaasumut, tunniunneqarsinnaavoq. Atuinissamut akuersissut taamaattoq, akuersissut malillugu pisinnaatitsissummik pigisaqartoq § 25, imm. 3-imi pineqartunut ilaanngitsoq pillugu atugassarititaasunik imaqassaaq.

Imm. 3. Atuinissamut akuersissut malillugu pisinnaatitsissummik pigisaqartoq atuinerterik ingerlatanik aammalu ingerlatanik allanik akuersissummi pineqartunut ilaasunik suliaqarsinnaanissamut pisariaqartunik suliamut paasisimasaqassaaq aammalu aningaasaqarnikkut pisinnaasaqassalluni.

Imm. 4. § 4 malillugu atuinissamut akuersissut, sumiiffimmut imaluunniit sermimat isumalluummut imaluunniit imermut isumalluummut aalajangersimasumut, atuinissamut periarfissaqarfiusut pisinnaatitsissummik pigisaqartumit atorneqartussatut naatsorsuutigineqarpata taamaallaat kisermaassisussaatitaanermik ilaqtinnejqarsinnaavoq.

Imm. 5. §§ 4 imaluunniit 8 malillugit atuinissamut akuersissut, atuinerup annertussusaanut, takuuk § 4, imm. 2, pisinnaatitsissummik pigisaqartup pisariaqartitsineranit annertuumik annertunerusumut, kisermaassisussaatitaanermik ilaqtinnejqarsinnaanngilaq.

Pisortat pilersuisussaatitaanerat tunngavigalugu akuersissutip allanngortinneqartarnera

§ 10. Naalakkersuisut nunami sumiiffiup iluani § 4 malillugu kisermaassisussaatitaalluni akuersissummi pineqartumi ilaasumi, sumiiffinni najugaqarfingineqartuni atuisunut pilersuinissaq siunertaralugu sermimik imermillu atuinissamut allamut akuersissummik tunniussisinnaapput.

Imm. 2. Imm. 1 malillugu akuersissummik tunniussineq § 5 naapertorlugu kisermaassisussaatitaalluni akuersissut malillugu pisinnaatitsissummik pigisaqartup taarsiivigineqarsinnaatitaaneranik imaluunniit Naalakkersuisunut imaluunniit allamut tassunga allanik piumasaqarsinnaatitaaneranik piginnaatitaaffeqarneranillu, malitseqassannngilaq.

Piffissaq akuersissuteqarfiusoq

§ 11. §§ 4 imaluunniit 8 malillugu atuinissamut akuersissut piffissamut akuersissuteqarfiusumut ukiut 20-t angulligit tunniunneqarsinnaavoq.

Imm. 2. Naalakkersuisut piffissaq akuersissuteqarfiusoq imm. 1-imí taaneqartoq atugassarititaasut erseqqinnerusumik aalajangersarneqartut malilligit sivitsorsinnaavaat. Taamaattoq piffissaq akuersissuteqarfiusoq tamarmiusoq ukiunit 30-nit sivisunerusinnaanngilaq.

Imm. 3. Piffissap akuersissuteqarfiusup sivitsorneqarnera atuinissamut akuersissummut tapiliussami aalajangersarneqassaaq.

Atuinissamut akuersissummit tunniussineq

§ 12. Naalakkersuisut §§ 4 imaluunniit 8 malilligit periaatsit imm. 2-4-mi taaneqartut arlaat atorlugu atuinissamut akuersissummit tunniussisinnaapput.

Imm. 2. Atuinissamut akuersissut tamatuminnga qinnuteqartoqarneratigut tunniunneqarsinnaavoq.

Imm. 3. Atuinissamut akuersissut atuinissamut akuersissutit ataatsip imaluunniit arlallit tunniunneqarnissaat pillugu nalinginnasumik tamanut ammasumik qinnuteqaqqusereernerup kingorna (neqerooruteqartitsineq) tunniunneqarsinnaavoq. Naalakkersuisut neqeroortitsineq pillugu nalunaarut, qinnuteqarnissamut piffissamut killiliussap naannginnerani minnerpaamik ullut 90-it siqqulligit tamanut saqqummiutissavaat. Nalunaaruteqarneq Naalakkersuisut nittartagaanni aammalu allatut tamanut saqqummiunneqassaaq.

Imm. 4. Sumiiffik aalajangersimasoq piffissami aalajangersimasumi tamatuminnga qinnuteqarnikkut atuinissamut akuersissut ataaseq imaluunniit arlallit tunniunneqarnissaannut ammatinneqassasoq (suleriaaseq ammasoq), aalajangersakkanik Naalakkersuisut aalajangersaasinnaapput. Suleriaaseq ammasoq pillugu Naalakkersuisut nittartagaanni aammalu allatut Naalakkersuisut tamanut saqqummiussissapput. Suleriaaseq ammasoq malillugu atuinissamut akuersissummit tunineqarnissamik qinnuteqaat, ammasumik suleriaatsip nalunaarutigineqarnerata tamanut saqqummiunneqareernerata kingorna siusinnerpaamik ullut 90-it qaangiunneranni aatsaat tunniunneqarsinnaavoq.

Imm. 5. Naalakkersuisut tamatuminnga qinnuteqaammik, suleriaatsit imm. 2-4-mi taaneqartut arlaat malillugu tunniunneqartumik, tigusaqarsimagaluarunilluunniit, Naalakkersuisut atuinissamut akuersissummit tunniussinngissinnaapput.

§ 13. Naalakkersuisut akuersissummit qinnuteqaatip imarisassai tunniunneqartarneralu aammalu atuinissamut akuersissummit tunniussisarneq pilligit aalajangersakkanik erseqqinnerusunik aalajangersaasinnaapput.

Kapitali 4

Atuinissamut pilersaarut

§ 14. Atuinissamut akuersissut malillugu pisinnaatitsisummit pigisaqartoq atuinermi ingerlatassanut tamarmiusunut atuinissamut pilersaarummik suliaqassaaq. Pisinnaatitsisummit pigisaqartup atuinermink aallartinnginnerani, taakkununnga sanaartukkanik pilersitsinnginnerani imaluunniit tamatumunnga atugassanik allanik iliuusissanik suliaqalinnginnerani, atuinissamut pilersaarut Naalakkersuisunit akuerineqarsimassaaq. Naalakkersuisut akuersissuteqarnermi atugassarititaasut

aalajangersarsinnaavaat.

Imm. 2. Atuinissamut pilersaarut imm. 1-imí taaneqartut saniatigut pissutsit makkua pillugit paasissutissanik imaqassaaq:

- 1) Paasissutissat uppermarsaatillu sermimit tunisassiat aamma imermit tunisassiat allanut tuniniarneqalernermínni qanoq pitsaassuseqassanersut, aammalu pisinnaatitsisummiq pigisaqartup qanoq iliorluni tunisassiat pitsaassusaat qulakkeerniarneraat.
- 2) Ingerlatseqatigiiffiup pisinnaatitsisummiq pigisaqartup aningaasaqarnikkut pisinnaasaqarnera, ilanngullugit atuinermi ingerlatanut atatillugu taassuma akiliisinnaassuseqarnera tigoriaannarnillu aningaasaateqarnera.
- 3) Atuinermi ingerlatat aningaasalersorneqarnerat.
- 4) Aningaasaqarnikkut pissarsiaqarfiusumik atuinerup ingerlanneqarnissaanut periarfissat.
- 5) Atuinermi ingerlatanut atatillugu avatangiisinut tunngasunik nalilersuineq.
- 6) Atuinermi ingerlatanut atatillugu kalaallinnik nunanillu allamiunik sulisoqarnermik aamma nioqqutissanik pilersuinernik kiffartuussinernillu nalilersuineq.

Kapitali 5

*Uninnissamut pilersaarut aamma iluaqteqarnermi ingerlatanik unitsitsigallarneq
Uninnissamut pilersaarut*

§ 15. § 14 malillugu atuinissamut pilersaarutip akuerineqarnissaa pillugu qinnuteqaammik tunniussinermut atatillugu pisinnaatitsisummiq pigisaqartoq uninnissamut pilersaarutip akuerineqarnissaa pillugu qinnuteqaammik Naalakkersuisunut tunniussissaq. Uninnissamut pilersaarummi allassimassaqaq:

- 1) Pisinnaatitsisummiq pigisaqartoq saliinissamut aamma sanaartukkat akuersissut malillugu pilersinneqarsimasut peernissaannut tunngatillugu, ingerlatat uninneranni qanoq iliussanersoq.
- 2) Sanaartukkat sumiiffimmi qimanneqartussatut pilersaarutigineqartut, avatangiisinik imaluunniit isumannaallisaanermik pissuteqartumik ingerlatat unereerneranni aserfallatsaaliorneqartariaqarsimappata, aserfallatsaaliuineq taanna qanoq ingerlanneqarniarnersoq, uninnissamut pilersaarummi allassimassaqaq.
- 3) Pilersaarutip piviusunngortinneqarsinnaanissaa aningaasaqarnikkut qanoq qulakkeerniarneqarnersoq.

Imm. 2. Atuinerup aallartinnginnerani uninnissamut pilersaarut Naalakkersuisunit akuerineqareersimassaqaq, takuuk § 14. Uninnissamut pilersaarut ingerlaavartumik nutarterneqassaaq aammalu atuinermi ingerlatanut tunngatillugu imaluunniit pissutsinik allanik uninnissamut pilersaarummut pingaaruteqartunik imaluunniit taassuma ingerlanneqarneranni annertuunik allanngortitsinerni allanngortinneqassalluni. Uninnissamut pilersaarummik allanngortitsinerit Naalakkersuisunit akuerineqassapput.

Imm. 3. Atuinissamut akuersissut malillugu ingerlatat unitsinneqarpata, Naalakkersuisut pisinnaatitsisummiq pigisaqartoq uninnissamut pilersaarutip piviusunngortinneqarnissaanik peqqusinnaavaat.

Ingerlatat unitsikkallarneqarnerat

§ 16. Kingusinnerusukkut ingerlatat aallarteqqinneqarnissaat siunertaralugu atuinermi ingerlatanik suliaqarnerup unitsikkallarneqarnera Naalakkersuisunit akuerineqassaaq.

Imm. 2. Ilaatigut ingerlatat unitsinnejcarneranni sanaartukkat aserfallatsaaliorneqarnerat aammalu ingerlatat aallarteqqinneqanngippata uninnissamut pilersaarutip § 15-im i taaneqartup piviusunngortinnejqarsinnaanissaaq qulakkeerniarlugu, Naalakkersuisut akuersissuteqarnermi atugassarititaasunik aalajangersaassapput. Akuersissut ukiut marlukkaarlugit tunniunneqartarsinnaavoq.

Imm. 3. Imm. 1 malillugu unitsitsigallarneq ukiunik 2-nik sivisunerusumilluunniit sivisussuseqarsimappat, imaluunniit taassumunnga akuersissuteqarnermut atugassarititaasut naammassineqanngippata, Naalakkersuisut pisinnaatitsisummik pigisaqartoq uninnissamut pilersaarutip piviusunngortinnejqarnissaanik peqqusinnaavaat, takuuk § 15.

Kapitali 6

Aalajangersakkanik atugassarititaasunillu aalajangersaasarneq aamma oqartussat suliarinninnerat ilaalu ilangullugit
Atugassarititaasunik aalajangersaaneq

§ 17. §§ 3, 4 malillugit imaluunniit 8 malillugit akuersissummi aamma § 14 malillugu akuersissuteqarnermi, Naalakkersuisut teknikkimut, isumannaallisaanermut, avatangiisirut, nunaminertanut aamma isumalluutinut tunngasut pillugit atugassarititaasunik aalajangersaasinnaapput.

Imm. 2. §§ 3, 4 malillugit imaluunniit 8 malillugit akuersissummi aamma § 14 malillugu akuersissuteqarnermi, Naalakkersuisut pisinnaatitsisummik pigisaqartup Inatsisartut inatsisaat, akuersissut aamma akuersissuteqarnerit malillugit pisussaaffiminik naammassinninnissaata qulakkeernissaanut atugassarititaasunik aalajangersaasinnaapput, ilangullugit qularnaveeqqusiiressaq pillugu atugassarititaasut.

Imm. 3. Sermimik imermillu, imerneqartussatut, nerisassiornermut, inuuussutissanik piareersaanermut, illup iluani siunertanut allanut assigisaannulluunniit atorneqarsinnaasumik, atuineq pillugu pitsaassusisanut tunngasut aamma peqqinnissamut tunngasut pillugit aalajangersakkanik Naalakkersuisut aalajangersaasinnaapput. Naalakkersuisut aamma tamanna pillugu atuinissamut akuersissummi atugassarititaasunik aalajangersaasinnaapput.

Imm. 4. Sermimik imermillu, imerneqartussatut, nerisassiornermut, inuuussutissanik piareersaanermut, illup iluani siunertanut allanut assigisaannulluunniit atorneqarsinnaasumik, atuineq pillugu pitsaassusisanut tunngasunik aamma peqqinnissamut tunngasunik nakkutiginninneq aamma pisinnaatitsisummik pigisaqartup nammineq nakkutiginninnera pillugit aalajangersakkanik Naalakkersuisut aalajangersaasinnaapput. Naalakkersuisut aamma tamanna pillugu atuinissamut akuersissummi atugassarititaasunik aalajangersaasinnaapput.

§ 18. Pisinnaatitsisummik pigisaqartoq sumiiffimmi akuersissuteqarfiusumi aammalu sumiiffinni allani kalluarneqartuni ingerlaavartumik saliissasasoq pillugu atugassarititaasunik §§ 3, 4 malillugit imaluunniit 8 malillugu akuersissummi Naalakkersuisut aalajangersaassapput.

Imm. 2. Pisinnaatitsisummik pigisaqartoq ingerlatat unitsinnejcarneranni, uninnissamut pilersaarummut taaneqartumut naapertuuttumik, takuuk § 15, sumiiffimmi akuersissuteqarfiusumi aamma sumiiffinni kalluarneqartuni allani saliissasasoq aammalu sanaartukkat akuersissut malillugu pilersinnejqartut, piissagai

pillugu atugassarititaasut aamma Naalakkersuisut aalajangersassavaat.

Imm. 3. Pisinnaatitsisummiq pigisaqartup akuersissut malillugu pisussaaffimminik naammassinninnissaata qulakkeernissaanut atugassarititaasunik Naalakkersuisut §§ 3, 4 malillugit imaluunniit § 8 malillugu akuersissummi aalajangersaasinnaapput, ilanngullugit pisussaaffit imm. 1-imi taaneqartut. Naalakkersuisut ilanngullugu tamakkiisumik ilaannaasumilluunniit qularnaveeqquisiinissaq pillugu atugassarititaasut aalajangersarsinnaavaat.

§ 19. Pisinnaatitsisummiq pigisaqartup saniatigut allat sumiiffimmi akuersissuteqarfiusumi sermimit imermillu isumalluutinik nammineq atugassaminnik atuinissamut periarfissaqassasut pillugu atugassarititaasunik Naalakkersuisut §§ 3, 4 malillugit imaluunniit 8 malillugu akuersissummi aalajangersaasinnaapput.

§ 20. Qanoq pisoqarnerani Naalakkersuisut akuersissut utertissinnaaneraat, aammalu akuersissutip atorunnaareernerata kingorna pisinnaatitsisummiq pigisaqartup pisussaaffi qanoq annertutigisumik atuutiinnassanersut pillugit atugassarititaasunik Naalakkersuisut §§ 3, 4 malillugit imaluunniit 8 malillugu akuersissummi aalajangersaasinnaapput.

§ 21. Naalakkersuisut aamma pisinnaatitsisummiq pigisaqartup akornanni akuersissut imaluunniit ingerlatat imaluunniit akuersissummut atatillugu pissutsit pillugit aaqqiagiinngissuteqarneq, isumaqatigiissitsiniarnikkut eqqartuussivimmut suliakkiunneqassasoq imaluunniit suliakkiunneqarsinnaasoq aammalu tassani aalajangiiffigineqassasoq pillugu atugassarititaasunik Naalakkersuisut §§ 3, 4 malillugit imaluunniit 8 malillugu akuersissummi aalajangersaasinnaapput. Akuersissummi aamma isumaqatigiissitsiniarnikkut eqqartuussiviup pilersinneqarnera, katitiganera, inatsisinik toqqaasarneq aamma isumaqatigiissitsiniarnernik suliassat suliarineqartarneri pillugit atugassarititaasut aalajangersarneqarsinnaapput.

Nakkutilliineq aamma peqqusissuteqarneq

§ 22. Pisinnaatitsisummiq pigisaqartut allallu ingerlataat aamma pissutsit Inatsisartut inatsisaanni pineqartunut ilaasut Naalakkersuisut nakkutigissavaat. Nakkutilliinermi aamma nakkutiginninneq § 17-imi taaneqartoq pineqartunut ilaavoq.

Imm. 2. Inatsisartut inatsisaata aamma aalajangersakkat atugassarititaasullu erseqqinnerusut Inatsisartut inatsisaat malillugu aalajangersagaasut malinneqarnissaat aammalu taakkua malillugit pisussaaffit naammassineqarnissaat pillugu Naalakkersuisut aalajangiisinjaapput, ilanngullugu peqqusissuteqarneq. Peqqusissuteqarneq pisinnaatitsisummiq pigisaqartunut aamma allanut Inatsisartut inatsisaanni pineqartunut ilaasunut nalunaarutigineqarsinnaavoq.

Imm. 3. Naalakkersuisut Inatsisartut inatsisaanni suliassaqarfiit iluanni suliassat erseqqinnerusumik killissalersugaasumik namminersortunut suleqatigisanut imaluunniit nunatsinni oqartussanut imaluunniit sullissivinnut allanut, nakkutilliinermik, nakkutiginninnermik imaluunniit Inatsisartut inatsisaanni suliassaqarfiit iluanni pitsaassutsinut peqqinnissamullu tunngasunik paassisutissiisarnermik suliaqartunut, suliaritissinnaavaat.

Imm. 4. Nakkutillinermut oqartussami sulisut aamma inuit allat imm. 1 malillugu immikkut piginnaatinneqartut, tamanna suliaqarnerminnik isumaginninnissamut pisariaqarsimappat, sukkulluunniit eqartuussivimmi aalajangiinertaqanngitsumik aammalu peqqissaartumik kinaassutsimut uppernarsaammik takutitsinikkut suliffeqarfiup ingerlatallu ilaannut tamaginnut isersinnaatitaapput.

§ 23. Pisinnaatitsisummik pigisaqartup imaluunniit suleqatigisap allap Inatsisartut inatsisaanni pineqartunut ilaasup peqqusissuteqarneq malinngippassuk, takuuq § 22, imm. 2, ilanngullugit ingerlatat iliuusissallu § 17-imi taaneqartut, Naalakkersuisut:

- 1) Taakku pisinnaatitsisummik pigisaqartup imaluunniit suleqataasup allap taassuma akiligassaanik annaasaqaatigisinjaasaanillu, suliaritissinnaavaat.
- 2) Pisinnaatitsisummik pigisaqartup imaluunniit suleqataasup allap ingerlatai akuersisummi imaluunniit Inatsisartut inatsisaanni pineqartunut ilaasut ingerlaannaq imaluunniit piffissamut killiliussap aalajangersimasup iluani unitsineqassasut aammalu peqqusissutip naammassineqareernerani aatsaat suliarineqaqqissinnaalissasut.
- 3) Sermeq imerlu niuernikkut iluaqtigineqartut nalunaaqutserneqassasut, arsaarinnissutigineqassasoq imaluunniit piuneerutsinneqassasoq, aammalu pisinnaatitsisummik pigisaqartup sermeq imerlu atorneqartoq kaaviiartitsivinnit kingusinnerusuniittunit utertissagaa, imaluunniit pisinnaatitsisummik pigisaqartup sermimik imermillu atuineq imaluunniit tuniniaaneq unitsikkallassagaa, peqqusissuteqarsinnaapput.

Imm. 2. Imm. 1 malillugu peqqusissuteqarneq, pisinnaatitsisummik pigisaqartup Naalakkersuisunit taarsiivigineqarnissamik imaluunniit allanik piumasaqaateqarsinnaanermik imaluunniit pisinnaatitaaffeqarnermik piginnaatitsisummik malitseqassangnila.

Nalunaarusiortussaatitaaneq aamma isertuussisarneq

§ 24. Pisinnaatitsisummik pigisaqartut allallu Inatsisartut inatsisaanni pineqartunut ilaasut, ingerlatamik Inatsisartut inatsisaanni pineqartunut ilaasut oqartussanit suliarineqarnerannut pisariaqartunik paasissutissanik tamaginnik nalunaarutiginnissapput aammalu uppernarsaatinik tamaginnik tunniussissallutik. Naalakkersuisut oqartussat suliarinninnerata Inatsisartut inatsisaanni pineqartunut ilaasup ingerlannissaanut, pisinnaatitsisummik pigisaqartut allallu paasissutissanik uppernarsaatinillu taamatut aammalu Naalakkersuisut pisariaqartitaattut iluseqartumik tunniussissasut, peqqusissinnaapput.

Imm. 2. Pisinnaatitsisummik pigisaqartoq ukiut tamaasa ingerlatat suliarineqartut aammalu taakkua inernerri pillugit ataatsimik arlalinnilluunniit nalunaarusianik Naalakkersuisunut tunniussissaaq, ilanngullugu ingerlatat avatangiisnit sunniinerat. Pisinnaatitsisummik pigisaqartup paasissutissanik tunniussinissaa aammalu nalunaarusianik Naalakkersuisunut tunniussinissaa pillugit atugassarititaasut akuersisummi aalajangersarneqassapput.

Imm. 3. Ingerlatat aamma avammut nioqquteqarneq akuersissut imaluunniit allatigut Inatsisartut inatsisaanni pineqartunut ilaasut pillugit nioqqutissanik kiffartuussissutinillu pilersuisumi paasissutissanik uppernarsaatinillu Naalakkersuisunut tunniussinissaa pisinnaatitsisummik pigisaqartup qulakkiissagaa pillugu Naalakkersuisut atugassarititaasunik aalajangersaasinnaapput imaluunniit taakkua pillugit aalajangiisinjaallutik.

Imm. 4. Pisinnaatitsisummik pigisaqartup nioqqutissanik kiffartuussissutinillu pilersuisua ingerlatat

aamma avammut nioqquteqarneq akuersissummi imaluunniit allatigut Inatsisartut inatsisaanni pineqartunut ilaasut pillugit paassisutissanik uppermarsaatinillu Naalakkersuisunut tunniussissasoq pillugu aalajangersakkanik erseqqinnerusunik Naalakkersuisut aalajangersaasinnaapput aammalu taakkua pillugit aalajangiisinhaallutik.

Imm. 5. Suliami pineqartoq aamma Naalakkersuisut suliami pineqartumut akuersissummik tunniussisinnaanermut tunngasut imaluunniit suliami pineqartup akuersissummik qinnuteqaammik tunniussisinnaaneranut tunngasut oqaluuserissappatigit imaluunniit pissutsit taakkununnga tunngasut oqaluuserippatigit, paassisutissat allakkiallu isertuussaanissaat pillugu Naalakkersuisut aalajangiisinhaapput. Naalakkersuisut tamanna pillugu aalajangiisimappata, isertuussinissami paassisutissat allakkiallu, pissutsit taaneqartut aallarniutaasumik oqallisigineqarnissaannut atatillugu suliarineqartut, tunniunneqartut imaluunniit Naalakkersuisunit tiguneqartut, kisimik pineqartunut ilaassapput. Isertuussinissami tamatuma kingorna oqallisiginninnerit pineqartunut ilaanggillat, ilanngullugit akuersissummut qinnuteqaammik tunniussineq. Isertuussinissaq suliami pineqartup Naalakkersuisunik aallarniutaasumik oqaloqateqareernerata kingorna ukiut 3-it qaangiunneranni atorunnaassaaq.

Kapitali 7

Akitsuutit, akiliutit aamma oqartussat aningaasartuutaannik utertitsisarneq ilaalu ilanngullugit

§ 25. Pisinnatitsissummik pigisaqartoq Namminersorlutik Oqartussanut makku tunngavigalugit akiliummik akiliuteqassasoq pillugu atugassaritaasunik §§ 4 imaluunniit 8 malillugu atuinissamut akuersissummi Naalakkersuisut aalajangersaasinnaapput:

- 1) sumiiffiup atuinissamut akuersissummi pineqartunut ilaasup annertussusaa (nunaminertamut akiliut).
- 2) sermip engullu ilaalu ilanngullugit annertussusaa imaluunniit nalinga (tunisassiornermut akiliut), imaluunniit
- 3) ingerlatanit atuinissamut akuersissummi pineqartunut ilaasunit aningaasaqarnikkut pissariarineqartut (pissarsianut akiliut).

Imm. 2. Pisinnatitsissummik pigisaqartup imm. 1 malillugu Namminersorlutik Oqartussanut akiliummik akilinissaa pillugu atugassaritaasunik aalajangersaanermi, pisinnatitsissummik pigisaqartoq piffissami akuersissutip tunniunneqarnera aallarnerfigalugu akiliummik akiliisussaatinneqannginnissaa akuerineqarsinnaavoq.

Imm. 3. Pisinnatitsissummik pigisaqartup imm. 1 malillugu Namminersorlutik Oqartussanut akiliummik akiliuteqarnissaa pillugu atugassaritaasunik aalajangersaanermi, pisinnatitsissummik pigisaqartup piffissami akuersissutip tunniunneqarnera aallarnerfigalugu, ingerlatat akuersissummi pineqartunut ilaasut pillugit, tamatumunnga inatsisit malillugit akileraarutinik akitsuutinillu akiliisussaatinneqannginnissaa akuerineqarsinnaavoq, taamaattoq takuuk imm. 4.

Imm. 4. Imm. 3 atuinissamut akuersissut § 9, imm. 2-imi pineqartunut ilaasoq malillugu pisinnatitsissummik pigisaqartumut atuutinngilaq.

Imm. 5. Imm. 3 malillugu akileraaruserneqartussaannginnerup nalunaarutigineqarnissaa sioqqullugu, Naalakkersuisut tamanna pillugu aningaasanut inatsimmi oqaasertaliussamik ilanngussinikkut piginnaatitsissummik pissarsissapput.

Akiliutit aamma aningaasartuutinik utertitsisarneq

§ 26. Pisinnatitsisummit pigisaqartut allallu Inatsisartut inatsisaanni pineqartunut ilaasut Inatsisartut inatsisaat malillugu suliassamik suliarinninnermut allatullu oqartussaasut suliarinninnerannut atatillugu aningaasartuutinik akiliissapput. Akiliutissaq akiliutitut imaluunniit aningaasartuutinik utertitsinertut akilersinneqarsinnaavoq.

Imm. 2. Naalakkersuisut Inatsisartut inatsisaat malillugu suliassamik suliarinninnermut allatullu oqartussat suliarinninnerannut atatillugu akiliutinik akiliisarneq imaluunniit tamakkiisumik ilaannaasumilluunniit aningaasartuutinut matussutissanik utertitsilluni akiliisarneq pillugit aalajangersakkanik erseqqinnerusunik aalajangersaasinnaapput.

Kapitali 8

*Akuersissutip allamut tunniunneqarnera, taarsiinissamut akisussaasuuneq aammalu eqqartuussivinnut
aalajangiinissanut suliakkiisarneq ilaalu ilanngullugit
Akuersissutip allamut tunniunneqarnera*

§ 27. §§ 3, 4 malillugit imaluunniit 8 malillugu akuersissutip toqqaannartumik imaluunniit toqqaannangitsumik allamut tunniunneqarnera sunaluunniit Naalakkersuisunit akuerineqassaaq.

Imm. 2. §§ 3, 4 imaluunniit 8 malillugu akuersissut akiitsoqarfinit malersorneqarnernut atorneqarsinnaanngilaq.

Taarsiinissamut akisussaaffeqarneq

§ 28. Pisinnatitsisummit pigisaqartup ajoqusernerit ingerlatani akuersissummi pineqartunut ilaasuni piliarineqartut, ajoqusernerit peratarsinnaagaluarpatluunniit, taarsiivigissavai.

Imm. 2. Ajoquserneqartoq piaarluni imaluunniit mianersuaalliorujussuarluni ajoqusernermut pisooqataasimappat, imm. 1 malillugu taarsiissuteqarneq annikillisinnejarsinnaavoq imaluunniit atorunnaarsinnaalluni.

Imm. 3. Pisinnatitsisummit pigisaqartup taarsiinissamut akisussaasuunera sillimmasiisummi imaluunniit allatut ilusilimmik qularnaveeqquisiinermi ilaatinneqassasoq pillugu atugassarititaasut akuersissummi aalajangersarneqarsinnaapput.

Imm. 4. Imm. 1-3-mi aalajangersakkat ingerlatanut allanit Inatsisartut inatsisaanni pineqartunut ilaasunit suliarineqartunut taamaaqataanik atuupput, ilanngullugit akuersissuteqarnerit Inatsisartut inatsisaat malillugu tunniunneqartut malillugit pisinnatitsisummit pigisaqartut, tamatumani taakkua ingerlataat Inatsisartut inatsisaanni pineqartunut ilaasimappata.

Imm. 5. Pisinnatitsisummit pigisaqartup nioqqutissanik kiffartuussissutinillu pilersuisui sillimmasiisummi imaluunniit qularnaveeqquisiisummi allatut ilusilimmi ilaatinneqassasut, aamma pilersuisup ingerlatani akuersissummi pineqartunut ilaasuni taarsiinissamut akisussaaffeqarnera ilaatiillugu, pillugu Naalakkersuisut akuerissummi piumasagaatinik aalajangersaasinnaapput.

Eqqartuussivinnut suliakkiussisarneq

§ 29. Pissutsit Inatsisartut inatsisaanni pineqartunut ilaasut pillugit aalajangiineq, piffissamut killiliussap ukumik ataatsimik sivisussuseqartup iluani eqqartuussivinnut suliakkiunneqarsinnaavoq, taamaattoq takuuq § 31.

Imm. 2. Aalajangiinerup eqqartuussivinnut suliakkiunneqarnera, Naalakkersuisut allamik aalajangiussisimanngippata, kinguartitsinermik sunniuteqassanngilaq.

Imm. 3. Aalajangiineq eqqartuussivinnut suliakkiunneqartoq, siullertut sularinnittussatut Kalaallit Nunaanni Eqqartuussivimmut suliakkiunneqassaaq.

Imm. 4. Akuersissut malillugu aalajangiineq pillugu aaqqiagiinnngissuteqarneq isumaqtigisiitsiniartartumut eqqartuussivimmut suliakkiunneqartussaappat, akuersissut pillugu aalajangiinermut taamaaqataanik imm. 1-3-mi aalajangersakkat atuupput. Aalajangiineq taamaattoq piffissamut killiliussap ukumik ataatsimik sivisussuseqartup iluani isumaqtigisiitsiniartartumut eqqartuussivimmut taamaallaat suliakkiunneqarsinnaavoq.

Kapitali 9

Tusarniaaneq

§ 30. §§ 3, 4 malillugit imaluunniit 8 malillugu akuersissummik tunniussinissamik qinnuteqaammi sumiiffik kommunimiittoq pineqartunut ilaappat, Naalakkersuisut suliami aalajangiinnginneranni, Naalakkersuisut kommunimut tusarniaassapput.

Imm. 2. Akuersissummik tunineqarnissamik qinnuteqaammi sumiiffik kommunit aggorerisa avataanniittooq pineqartunut ilaappat aammalu innuttaasunut siunnersuisooqatigiit piginnaatitaaffini pineqartunut ilaappat, Naalakkersuisut suliami aalajangiinnginneranni, Naalakkersuisut innuttaasunut siunnersuisooqatigiinnut tusarniaassapput.

Kapitali 10

Arsaarinnissuteqarneq

§ 31. Naalakkersuisut piginnaatitaapput pigisanik aalaakkaasunik arsaarinninnikkut pigisaqalersinnaanermut piginnaatitsissummik pigisaqartut Naalakkersuisullu atorsinnaasaannik inatsit manna malillugu suliffiup pineqartup piviusunngortinnissaanut pisariaqartunik. Arsaarinnissuteqarneq pissaaq pigisanik aalaakkaasunik arsaarinnissuteqartarneq pillugu Inatsisartut inatsisaanni malittarisassat malillugit.

Kapitali 11

Inatsisit allat

§ 32. Kalaallit tunisassiaasa avammut nioqqutigineqartarnerat pillugu akuersissuteqartarnermut Inatsisartut peqqussutaat, Inatsisartut inatsisaat malillugu sermip erngullu avammut nioqqutigineqartarneranut atuutinngilaq.

Imm. 2. Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat,

ingerlatat Inatsisartut inatsisaanni pineqartunut ilaasut pillugit nalunaarusianut Naalakkersuisunut tunniunneqartunut, atuutinngilaq.

Imm. 3. Kalaallit Nunaannut, Kalallit Nunaannit Kalaallit Nunaannilu usinik imaatigut assartuineq pillugu inatsisit, ingerlatanut akuersissummi Inatsisartut inatsisaat malillugu tunniunneqartumi pineqartunut ilaasunut atatillugu imaatigut assartuussinermut atuutinngillat.

Kapitali 12

Pineqaatissiissutit

§ 33. § 2, imm. 1, aamma imm. 2, oqaaseqatigiit aappaat, § 24, imm. 1, oqaaseqatigiit siullit, aamma imm. 2, oqaaseqatigiit siullit, § 28, imm. 1-imik unioqqutitsinerit Kalaallit Nunaanni pinerluttulerinermut inatsimmi maleruagassat malillugit akiliisitsinermik pineqaatissiinermik malitseqarsinnaavoq.

Imm. 2. Piumasaqaatit § 14, imm. 1, oqaaseqatigiit aappaat, § 15, imm. 2, oqaaseqatigiit siullit aapaallu, § 16, imm. 2, § 17, § 18, § 24, imm. 1, oqaaseqatigiit aappaat aamma imm. 2, oqaaseqatigiit aappaat, aamma imm. 3, aamma imm. 4-mi aalajangersakkanik unioqqutitsinerit Kalaallit Nunaanni pinerluttulerinermut inatsimmi maleruagassat malillugit akiliisitsinermik pineqaatissiinermik malitseqarsinnaavoq.

Imm. 3. § 22, imm. 2 aamma § 23, imm. 1 najoqqutaralugit peqqussutinik nalunaarutigineqartunik unioqqutitsinerit Kalaallit Nunaanni pinerluttulerinermut inatsimmi maleruagassat malillugit akiliisitsinermik pineqaatissiinermik malitseqarsinnaavoq.

Imm. 4. Peqqussutinut § 13 naapertorlugu aalajangersagaasunut Kalaallit Nunaanni pinerluttulerinermut inatsimmi maleruagassat malillugit akiliisitsinermik pineqaatissiinermik aalajangersarneqarsinnaapput.

Imm. 5. Inatsisartut inatsisaat imaluunniit peqqussutit Inatsisartut inatsisaat naapertorlugu aalajangersagaasut akiliisitsinissaq inatsimmi tunngavissaqartippassuk, Kalaallit Nunaanni pinerluttulerinermut inatsimmi maleruagassat inatsisit malillugit pisinnaatitaasoq akiliisitaanissamut pisussaaffilerneqarsinnaapput.

Imm. 6. Akiliisitsinerit, Inatsisartut inatsisaat imaluunniit aalajangersakkat Inatsisartut inatsisaat malillugu aalajangersarneqartut malillugit pineqaatissiissutigineqartut, Nunatta Karsianut nakkartassapput.

Kapitali 13

Atuutilernera, atorunnaarsitsineq aamma ikaarsaarnermi aalajangersakkat

§ 34. Inatsisartut inatsisaat ulloq 1. januar 2019 atuutileroq.

Imm. 2. Peqatigisaanik sermip erngullu avammut nioqqtissatut atorneqarnissaat pillugu Inatsisartut inatsisaat nr. 7, 31. maj 2001-imeersoq atorunnaarsinneqarpoq.

§ 35. Avammut nioqquqteqarnissaq siunertaralugu sermimik imermillu misissueqqaarnissamut imaluunniit atuinissamut akuersissutit, Inatsisartut inatsisaata atuutilernerani tunniunneqareersut, atuutiinnassapput.

Imm. 2. Inatsisartut inatsisaat aamma, Inatsisartut inatsisaata atuutilernerani, akuersissutinut taamaattunut, akuersissutit taamaattut malillugit pisinnaatitsisummiq pigisaqartunut kiisalu ingerlatanut sermip erngullu avammut nioqqtissatut atorneqarnissaat pillugu Inatsisartut inatsisaat nr. 7, 31. maj 2001-imeersumi pineqartunut ilaasunut, atuuppoq.

Imm. 3. Inatsisartut inatsisaat tamatuma saniatigut ingerlatanut, ilanngullugu avammut nioqquteqarnissaq siunertaralugu sermimik imermillu atuineq, sermip erngullu avammut nioqqutissatut atorneqarnissaat pillugu Inatsisartut inatsisaat nr. 7, 31. maj 2001-imeersumi pineqartunut ilaasunut aammalu Inatsisartut inatsisaata atuutilernissaa sioqqullugu ingerlanneqartunut, atuuppoq.

Imm. 4. Inatsisartut inatsisaat aammattaaq aalajangiinernut Inatsisartut inatsisaata atuutilernissaa sioqqullugu sermip erngullu avammut nioqqutissatut atorneqarnissaat pillugu Inatsisartut inatsisaat nr. 7, 31. maj 2001-imeersoq malillugu aalajangiiffigineqartunut, atuuppoq, tassani taamaattoq piffissamut Inatsisartut inatsisaata atuutilernera aallarnerfigalugu naatsorsorneqassallutik.

Imm. 5. Ingerlatassanut akuersisummiq qinnuteqaatit pilligit suliat § 2, imm. 1-imi taaneqartut, Inatsisartut inatsisaata atuutilernerani naammassillugit suliarineqarsimangitsut, Inatsisartut inatsisaat malillugu suliarineqarnerat ingerlateqqinnejqassaaq.

§ 36. Allaffissornikkut peqqussutit, Inatsisartut inatsisaata atuutilernerani, sermip erngullu avammut nioqqutissatut atorneqarnissaat pillugu Inatsisartut inatsisaat nr. 7, 31. maj 2001-imeersoq malillugu, aalajangersagaasut, taakkua atorunnaarsinneqarnissaasa tungaanut, Inatsisartut inatsisaat malillugu allannguiteqarlutik, atuutiinnassapput.

Namminersorlutik Oqartussat, ulloq 27. november 2018

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

